

أسلوب عم محروس

حَرَكَتُهُ عِ الْبَطِيء...
اللّهُمَّ طَوِّلْكَ يَا رُوح
مَلَامَحُهُ حِيَادِيَّة
وَعْنِيهِ مَا تَتَرَفَّعُش مِنْ الْأَرْضِ
حَسَبَ مَبْدَأِ غَضِّ الْبَصْرِ.
أَعْمَلْ كَدَهُ وَالْأَكَدَهُ؟

يشركك معاه
لو صح يبقى العيب عداه
لو غلط
يبقى إنت اللي قلت.
ويقولك ساعدني
لو ما مسكتش كويس
يصدّر لك النفس اللوامة.
- فهلوي؟
- لأ ده قد المسؤولية
مش حكى لك
جَوّز سبع عيال!
- عم محروس طيب.
- لا طيب ولا حاجة.

مش حكى لك
عن زنفته في جواز آخر العنقود!
شكله راسم على زيادة الأجرة!
وقادر يعمل لك صراع طول الوقت!
أسبوع كامل يصلح السباكة
لحدا ما سيطر على خيالك.
بقى حلمك الوحيد
إنه يمشي..
يخرب بيت الدراما
الريسيفر بوظ مخ الصنّاعية.